

洪雅縣志卷二十一

藝文志

文三

明

科目題名記

貴州布政右叅議張可述邑人

國朝以科目取士舉於鄉錄其名試於禮闈錄其名對於大廷錄其名已乃立石題名於成均制也其在鄉學各復題名如成均者凡以重本始責名實用寓

卷二十一

藝文志

勸懲云洪雅肇自隋唐為壯縣入宋科目實繁如董氏家至十三人而田表聖則以進士高第為名諫議傳於史官散於狂牒可考也自元季省入夾江士由科目無幾明興暨成化壬寅用言者議復自為縣山谷之人始稍稍就學今餘七十年所家有詩書而士由科目進者又十數人豈山川之靈蓄洩倚伏殆極而欲反其時則然哉先是正德間盧侍御雍按部至邑屬有司題名於木歲久漫漶今年謀伐貞珉勒之

始永樂乙酉距嘉靖丁未得十有六人次名氏繫籍里詳宦歷仍虛其左俟諸無窮夫所謂題名者獨以其名乎哉士始居業於黨庠所迪者名教繼推擇於天子所礪者名節斯其名可居焉若繁枝葉獵聲華自謂致身青雲之上而脂韋汨沒使狂習於父師試於有司陳於軒墀者並棄之即榮盛赫奕論世者將指斯題而訾議且用為鑿噫可思已先輩狂矣方來者尚其思之否耶思則昏昏則勉勉則侑侑則實勝而有終名成而不毀不則雖有名何所用之

韓藩紀善陳裕齋先生墓表

余讀西漢書載申培公受詩浮邱伯以魯詩名為楚元王太子戊傅弟子孔安國為諫議大夫至臨淮太守古今邈矣而其事有大相類者狂在成化中初置洪雅設教官弟子負裕齋先生獨以通詩者先大夫方推齒先大夫即遣從先生遊先生於羣弟子中深器先大夫先大夫以詩魁鄉薦成進士官御史出守

漳州卒先生為博學士十五年遷韓藩紀善又數年而罷歸此其出處與傳所稱何以殊焉先生季子刺史公與余少同筆硯長約婚誼不薄也先生既沒瘞玉八面山之原餘三十年所宰木拱矣刺史公乃以郎中闕君繼禹所為狀屬余表其阡按狀先生諱順禮字以和別號裕齋其先楚之麻城人南宋末入蜀居洪雅花溪曾祖敏祖濟明父倉皆隱德弗耀先生生八年警穎過人塾課以對偶應聲而成人咸異之

時洪雅廢久所居夾江八十里遙先生父以先生非常見伍不憚險遠俾入夾江與豪俊遊居三年業成充諸生尋以設邑改還嗣是學益邃名益彰從遊者日益衆督學使者行縣校執輒置高等乃屢試省闈多蹶而歸人皆為先生惜先生處之泊如也正德丁卯以貢上南宮會隣邑有郭生先在太學其家以餅金付先生為郭生桂玉費行次恒山值禦貸者先生空無所有而郭生金獨存既入都郭生迎謂之曰金

三奈何先生出金付焉封識宛然郭生驚喜過望請
以半遺先生固拒之蓋其義利之辨審矣丁巳授莊
浪訓導持已教士人罔不敬而愛者未幾以艱歸自
間訃至終喪動遵古禮鄉人則之乙亥北上授永昌
衛學永昌在大河之濱於陝西為絕塞士寡學問先
生謀於長設科條習責祈寒盛暑疊疊忘倦於是永
昌多文學之士庚辰遷岷州衛學教授岷州亦邊地
士習大都與永昌同先生既得為黌教長其教士亦

如永昌時兵憲翟公雅重先生檄諸武弁以子弟詣
先生學且謂之曰地徼荒迹人多鄙夷之文教武備
今屬之子先生受命其勤尤著故劉氏三雋連得薦
書而諸武弁子弟亦無不諳韜鈴者嘉靖己丑拜紀
善府寮冷局先生常曰學校應留何人哉免園梁苑
遺蹟俱存獨柰何薄司官脩曳裾也今應按諸什歲
在笥中多可誦者丙辰以遲乞休歸杜門吟誦課諸
子弟以舊業足跡未嘗輕入公府雖俸稍入薄未足

終餘年而買祭田贍宗鄙意猶急急語俱在先生所
為祭田記義館說中至若先生以通詩名而教仲子
則以左氏春秋教季子則以大小戴禮仲子官至林
慮教諭季子以民部郎為黎平刺史是則先生晚歲
淹貫六學又不可以一經論矣先生娶尹氏繼娶廖
氏子男五長嚴次諫即教諭君次教次儲尹出季大
章即刺史公廖出女二長適國子生楊時新次適庠
生盧忠孫男十曾孫二十二人 生負六先生生於成

卷十一 藝文明文

五

化戊子五月十五日距卒之日嘉靖戊申五月十一
日春秋八十有一憶先生罷歸時余方十齡餘常以
所業呈先生閱之謂有父風故得與刺史公交其約
為婚姻亦先生意也先生期余甚遠大乃余為萬年
令而先生逝矣詎意余不肖無分寸豎立遂請辭以
歸竟有負於先生哉刺史公嘗與余言先生曾補試
於潘曾學命題以口不書於檄先生得四書題即沈
默構思致忘詩經為何什先生啟白曾學曾學戲謂

之曰余亦忘之矣先生反席以俟忽有鶴啣紙團至
研北先生啟之即詩經題始濡毫為之衰然居首補
廩生缺於戲羽蟲何知殆先生世德深厚當食其報
鬼神所為耳今諸孫科第繩繩奚翅博學刺史公已
耶余老病侵衰學殖荒落無足論次先生然於刺史
公有世誼不敢辭謹以古今事之偶同人神理之必
至者併撮其槩復於刺史公鑄諸貞石俾後之人有
所覽焉

重脩天池寺記

天池寺蓋創自宋紹興云入元鞠為茂莽遺址僅存
洪武間僧貴公自信陽惠公自蒲阪至相與剪荆棘
以居諸閣右捐金相之始復為寺宣正以來法嗣智
全義簡謀於衆漸次脩葺殿閣廊宇蝓蝻蠖濩盡生
偉觀矣語在陳上舍順陳博士誥記中嘉靖丁亥曰
本印者復募衆樂施工集材庀殿池露臺皆鑿以石
道上為槁者二坦墉增於舊者三版綽楔並望金碧

輝煌其為費踰千金其訖工垂十年余嘗再至寺中
分禪榻而卧偶乘月出階除鈴鐸鳴風竹樹散影見
簷牙蒼然在煙霧中殊豁心目曉起坐林間盱衡望
南安諸山鬢黛整抹如畫下帶青衣江澄波如練未
嘗不羨茲地之勝也今年癸丑僧懷樂問記於余余
覩傳記自東京以降崇信釋氏者蓋遍天下無智愚
故賢豪之士逞逞捨宅為寺刺血書經合掌皈依以
求庇廕矧茲黔細又易怵於利害者乎昔顧席頭一
金粟影獲且百萬乃茲寺之大士尊者無慮數十其
間豈無與席頭所繪競羨者則其頻年興作而施捨
不厭或有以也然此皆下乘末却非西來之初余聞
之曰空曰定曰覺三者釋之宗旨為最上乘故覺則
定定則空矣夫空定覺智者之過也君子猶排之至
於下乘末却去佛遠矣余不知君子以為何如是在
天衆審之哉

簡王寨記

洪雅號山水區八面在青衣之南廣長數十里屹為
巨鎮凌晨渡江卓午至苟王寨纜及山腰後倚懸崖
前臨浚谷其上置木梯以下云狂余以尚書郎在告
偕龔叅軍嵩以探竒登焉相與坐岷洞間見石壁多
刻領兵人姓名歲月則宋建炎嘉熙時也嘉熙距建
炎凡五朝孝高享國又久以此知南渡後邑常不靖
而苟王必此中著姓團聚鄉兵據險拒賊者叅軍曰
此先人世產也天陰雨則鬼夜哭以當時橫離鋒鏑

或食盡而斃者多耳宏治初居人鑿大士像於壁遂
不復聞此嘉靖初比邱悟公始剏構以居非遭遇盛
時吾與子得有今日之遊哉歎息者久之始去屈指
今十三年乃復再狂則木梯撤而壁成蹊矣屋楹增
十之五相好增十之七棖聯榮接金爛霞蒸詢之皆
叅軍與鄉人捐貲所成叅軍屬余曰嵩少長茲山期
自表監以貽身後名卒從早宦數月而歸今老矣壯
心雖降始願未畢子盍記之令異時知有我輩也余

曰寧獨君哉余自束髮擢第事今上十有五年居則
華薨出則結駟金緋被躬肥甘足口叨竊過矣竟無
尺寸之効而被言以歸方灌園明農終身邱壑雖有
千里之志將安所酬且生平知交啣杯酒笑語一堂
者今或不復省記而况異世之後哉茲山片石即竹
帛不啻矣曰書其始末并喜施者姓名於左方後之
覽者將必有感於斯文嘉靖甲子

新開石洞面山路記

卷世一

藝文明文

九

雅水為蜀外江自西南來經隱蒙山麓繞洪雅縣前
秀若腰草由隱蒙而東稍折而南至石洞面則接夾
江境矣江之陰有慈航寺去縣可五里所江之陽有
天池寺去縣可七里所兩寺號稱叢林而寺前皆直
津渡榜人歲更庸調為之疇昔之待行旅者畧備第
夾岸有山而中流多石每夏秋江漲驚波怒濤訇礚
灑漾大為舟害余嘗亂流而渡見舟中人皆顛掉失
色其泊岸屬有天幸云若循慈航而東渡佛母谿登

石洞面山則兩寺前可無舟楫往來之人東走夾江
西走洪雅從枕席上過矣乃山石礫礫林木發翫未
有為刊道計者而佛母谿則並山之民自編竹以渡
是王政之脩舉必俟賢才之經畫可歎哉嘉靖丙寅
冬邑令竹谿楊侯自清江來諏詢民隱及是惻然然
縮綬方新未遑議舉居二年為隆慶戊辰六事既脩
四封無事侯屬幕史張君役旁芹丁夫任治之維時
耕耨甫畢民志大同持剖劄荷畚鍤老稚懽呼相屬

於道才三日侯按視勞路介然成遂移天池寺前一
艘於佛母谿以濟不通山半舊有邱亭處擇左方之
勝益以穀楹取他舖遽人居之用便夜行之篝火者
由今視昔其險夷安危相去豈直什伯哉昔張希顏
為萍鄉令橋梁驛傳罔不繕完范延賞過之言於張
忠定張忠定疏薦於朝卒以大顯侯之注錯遠過希
顏當塗鉅公寧下忠定他日爭相推轂漸致顯融孰
謂較短長於著龜之間而後知耶若彼俗吏勛勩簿

書疲蕭奔走飾偽釣名茂聞實政者與侯較材程能
難為顏矣侯名道南起家壬子鄉進士張名茂春滇
之鶴慶人

重脩廟學記

萬歷丙子夏五月朔令長聞侯告廟學成於先師初
侯以甲戌來綰邑符既三日循故事謁廟下已乃見
弟子負於堂而去比再至則慨其敝也周覽諏詢謂
學博荆門李君正春簡州鄭君大曰古人重改作以

舊貫可仍今獨柰何仍之其毋乃以俎豆絃誦為細
故乎雖勞且費吾弗能已歸問儲於司藏者以薪廩
缺負對才餘四十金侯曰此二十之一也余始至於
境望喬木章章可材當二之二也也有所不足其金鐵
瓴甌丹堊塗墍之工哉是可以俸稍給也或曰徒庸
安出侯曰幸值承平民兵之設以防夜警余卜其畫
矣矧農隙民有徃役之義獨不可以義驅乎畫既定
明年以狀上諸當道是其議乃伐木邑以西立簿周

君崇恭主之邑以東典史劉君永昂主之水浮陸軌
各以次至爰陶瓴甌市金鐵甚具遂遷主他所蠲吉
始事梓匠若干人以技聽命丁夫百餘皆矯健可肩
鉅重者勞有勸惰有懲會周君劉君相繼遷去南詔
趙君迂儒來代判簿奉行益謹於是奕如者為棟楹
翼如者為榮薨整如者為階序豁如者為廊廡炳如
煥如霞駁雲蔚者為斧藻蓋自楊侯麒後其再見也
而其事有特異者昔楊侯之至以正德甲戌今聞侯

之至以萬歷甲戌豈天運一周文運亦一周特以兩
賢為一方興斯文與按釋名甲孚也萬物解孚甲而
生也戊恤也物當收斂矜恤之也今學者組織紛績
不當矜恤而收斂於行誼乎濟濟章縫方趨宮墻始
解孚甲而生久之干霄合抱隆棟楨周其可量哉願
都人士相與有成章甚

採木記畧

翰林毛

起
夾江人

洪雅採木之難有七往歲木材多近水次今近者穀

十里遠者百里山多危峯窮谷古所謂不毛之地夫
近則易為力遠則難為功此一難也凡木之產其山
必穹窿律罕黎黎深箐方能蔽日備大棟之用然性
香多蠹易腐伐十得一二焉以為幸或有畫一山不
成一村者此二難也凡木之道越岡度嶺必有飛棧
焉其岩曲不可通處必有偏棧焉棧以巨木為之下
以樹實其空竅兩旁拖服廂或幾十丈百餘丈有遠
數十里者皆浮功浪費難以歲月計此三難也凡木

之行釁牲醞酒祈神籲天而後繫纜以挽挽盈數百
千人終日不移寸如饑馬之斲草焉或一行數十丈
或百丈挽不及趨若有神以相之凡木之登架首有
枕木有撥木或中架落箐雖盈丈之木勢如拉朽少
有完者幸完則施繳車綆而陟之為功萬倍盡陸臨
江謂之點水千人呼唱以為幸然江多巨石激浪漩
湫盤渦勢不可磯度此始為成材為水所衝折十或
減三四此四難也山在蜀西南徼外故邛笮諸夷不

格化木商至多予金帛布繒謂之山本需酒肉犒勞
稍不如意則以草纏縛人於道懸索償值若販買馬
官不為取其人非死則轉鬻他夷無可逃者其夷道
皆度索尋艱人跡不至惟土夷貫習跳梁於上甚捷
便利刃不釋身激恐為變此五難也山濃雲淋雨不
時至古謂之漏天也春夏之交瘴癘中人轉相傳染
人不敢近病無生理枕藉莫收腐穢之氣達數百里
夔魍蛇虺之恠狂狂而有亦能殺人此六難也鳥道

卷廿一

藝文類聚

五

羊腸挽運之夫不可擔簦負載而行十數鍾致一石
以故人食不再飽饑疲癆瘵又無室以居故易得蒸
沴之疾此七難也斤斧器械諸工匠之費不與馬嗟
乎此特言採木之苦耳及至請官看視鳩衆傭工轉
輸萬里江湖河閘或流或連夫動盈萬億計為費不
貲波濤風雨諸苦倍出比歸考工之室在廷臣工增
秩賜金拱手以享其成誰復言採木之苦者

田錫錄

郎外郎經邦人

田錫字表聖嘉州洪雅人幼聰悟好讀書屬文揚徽
之宋白皆厚遇之為之延譽聲稱翕然太平興國三
年進士高等釋褐將作監丞通判宣州遷著作郎京
西北路運判六年拜左拾遺直史館賜緋魚竝錢五
十萬性好直言既居諫職極陳時務大有裨益言軍
國要機者一幽燕竊據兵所當興雖稟宸謀必資武
力須歲王師平太原稽功賞者二載願回郊禋之禮
議平戩之功駕馭戎臣莫此為重言朝廷大體者四

其一交州未下老師費財縱使得之如獲石田自古
聖人不務廣疆土惟務廣德業聲教遠被自當來賓
臣願務脩德以來遠何必以蕞爾蠻邦上勞震怒乎
其二諫官不聞廷爭給舍不聞封駁左右史不聞升
殿陛記言動御史不敢彈奏中書未嘗訪以政事集
賢院雖有書籍而無職官秘書省雖有職官而無圖
籍豈聖朝義事乎臣願擇材任人使各司其局其三
海宇平寧京師富庶軍營馬監靡不恢崇佛寺道官

悉皆輪奐加又闢西苑廣御池顧尚書省極其湫隘
郎曹無本局尚書無廳事九寺三監寓天街之兩廊
貢院就武成王廟豈太平制度耶臣願別脩省寺用
列職官其四獄官枷杻鉗鎖尺寸斤兩并載刑書木
間以鐵為枷者况隆平之時於法所無去之可矣疏
奏優詔褒賜有謂宜少晦以遠讒忌荅曰事君之誠
惟恐不竭矧天植其性豈為一賞棄耶時趙普盧多
遜令有司受羣臣章奏必先白然後聞又令於閤門

署狀不敢妄陳利便希望恩榮錫以為失至公之體
普引咎謝多遜不悅六年罷為河北運副復上邊要
四事一謂動靜之機不可妄舉夫動為用兵靜為持
重應動而靜則養寇以生奸應靜而動則失時以敗
事動靜中節乃得其宜今北鄙繹騷皆以居邊任者
規牛馬細利矜捷捕小勝賈怨結仇興戎致寇職此
之由願申飭將帥慎固封守勿尚小功許通互市俾
獲蕃口撫而還之務使河朔之民得務農業亭障之

地可積軍儲然後待其亂而取之則克乘其哀而兵
之則降力省功倍誠要舉也二謂安危之理不可輕
言夫國家務大體求至治則安舍近謀勞遠務則危
為君有常道為臣有常職是務大體也上不拒諫下
不隱情是求至治也若漢武伐單于唐宗討遼東是
舍近謀遠也沙漠窮荒得之無用曰上所欲不敢盡
言言而見聽未必蒙福一有不從方且虞禍惡在其
務大體而求至治乎三謂利害相生變易不定兵書

一不能盡知用兵之害者則不能盡知用兵之利益
事有可進而退則害成可退而進則違利可速而緩
則利必失可緩而速則害必至可誅而赦則奸宄生
心可赦而誅則忠勇解體可賞而罰則害勤勞之功
可罰而賞則利僭踰之輩誠不可以不審也四謂取
舍無惑思慮必精夫益賁之狐疑不如童子之一得
倘若差之毫釐繆以千里自國家圖幽燕以來連兵
未解財用不得不耗人心不得不憂願陛下精思慮

夫取舍無使曠日持久窮兵極武書奏上甚嘉之七年改右補闕復上章論事從知相與睦州吳越舊阻禮教錫為建孔廟請給諸生經籍自是人知向學命文明殿災極言時政上納焉轉起居舍人還判登聞鼓院無知制誥尋加兵部員外郎端拱二年京畿旱上章陰陽失和調燮倒置上侵下之職而燭理未盡下知上之失而規過未能帝及宰相皆不悅出知陳州坐稽留殺人獄責授海州團練副使從單州召為

工部員外郎復論時政闕失俄召直集賢院真宗遷吏部郎中使秦隴還連上章言陝西數十州苦於靈夏之役生民重困上為戚然命同知審官院無通進銀臺司賜金紫與魏迂式聯職以議論不協出知秦州彗星見召見便殿諭以不半歲即召咸平三年宋白應詔舉賢良方正屢召對願帝以皇王之道治天下舊時御覽無益治道臣每讀書思以所得上補聖聰請鈔畧四部別為御覽三百六十卷萬幾之暇日

覽一卷經歲而畢真以涓埃之微上裨天地之德俾
功業與堯舜比宗而生靈亦躋仁壽之域矣上善其
言詔史館以羣書借之又見唐黃門侍郎趙宏智為
高宗講孝經舉其切要者進之曰天子有爭臣七人
雖無道不失其天下憲宗采史漢三國以來經濟要
說并前代君臣事迹書於屏間臣每覽經史子集曰
取其要語列為十卷輒用進獻題之御屏寘之座右
日夕觀省則聖德日新與湯武比隆矣時京東西淮

南水災遣使賑恤貧民平決獄訟錫言朝廷檢勘災
傷乃是虛名施行賑貸亦非實事點募拳勇云守本
城尋即押赴京師今災沴之餘盜賊若起適足以貽
宵旰之憂而已帝為動容五年再掌銀臺覽天下奏
章及詔勅不便者悉條奏其事上對宰相稱錫得爭
臣之體即日命兼侍御史知雜事凡遇進見容色必
莊目之曰此吾汲黯也俄擢右諫議大夫史館備撰
連上八疏皆直言時政得失六年冬病卒年六十四

遺表勸上以慈儉守位以清淨化人居安思危在治
思亂上覽之惻然謂李沆曰田錫直臣朝廷少有關
失方在思慮其章奏已至若此諫官不可多得天何
奪之速乎嗟惜久之特贈工部侍郎錄其二子并為
大理評事給俸終喪為人動必以禮言必以法賢不
肖咸憚服之耿介寡合未嘗趨權貴之門居公庭危
坐終日無懈容慕魏徵李絳為人以盡規獻替為已
任立朝以來章疏五十有二以為諫臣任職之常言

苟獲從幸也豈可藏副示後謗時賈直耶悉命焚之
然性凝執治郡無稱所著有咸平集五十卷冊曰宋
室封章實自錫始言皆可用不為徒矢鄭與趙公誠
可媿美天假之年尚猶未止於戲若人何幸逢此

褒錄田獻翼公奏議記

湖廣左布政使

陳惟直

邑人

古忠鯁之臣危言匡世既以成主德而享令名百世
後猶想慕其為人蓋天地正氣流通古今奮於前而
崇於後均有不容已也吾鄉田獻翼公當宋太宗真

宗時以直諫顯世言宋縉紳率以犯言敢諫為忠如
慶歷而後激慕成風非必本之天性迺咸平以前英
主在上羣臣逡巡若不及而能盡言不諱以獻替為
已任者惟公一人故自范文正公司馬溫公蘇長公
皆誦服之史載二宗能受言公之進言也易以今考
之河東之役德昭一言觸怒遂抱懼以死其後曠二
年莫敢以為言者而公獨發之若量主而言其能無
顧却哉且立朝而言可也及屢棄居郡猶然盡言初

年銳志有言可也晚自秦州召還蓋已老矣而益進
言非忠愛得之天性稟正氣而不回者其有是乎蘇
長公以為憂治世而危明主嗟乎此臣子之情為當
世婉言之耳藉令朝無闕事而虛設不然之詞以洞
燭視聽即有深憂遠慮儕輩且不能諒何況人主故
幽州之師公以持重為言未幾岐溝敗矣交州之役
公以罷兵為請即任寶陷矣網利太重公以民困為
憂迺小波又倡亂矣他所指一切中當時事實其言

率甚質戇然卒當上心則無疑說之效也夫獻納以
言感格以誠公所素植要自取信於上下人臣事君
積誠未至而嘗試謾言之難哉諸疏業自焚藁即真
宗匣授仁宗藏在秘府世宜不覩其全蘇公所序止
十篇通列於咸平集者十有二篇咸平集於今罕傳
惟名臣奏議十二疏具在予始褒而錄之以待梓行
蘇序曰願廣其書於世亦忠臣孝子之心也

蘇文公集卷一
咸平集序
蘇序曰願廣其書於世亦忠臣孝子之心也